

Minister Mike de Meza:

San Nicolas ta riba bon caminda pa bira Aruba su “Cultural Heritage Capital”



ORANJESTAD - E diversidad di culturanan Caribense y bunita naturalesa ta haci di San Nicolas e candidato ideal pa bira Aruba su “Cultural Heritage Capital”.

E capital di herencia cultural, cu un sin fin di oportunidadnan pa desaroyonan economico y particularmente den e industria di turismo, un potencial enorme pa crecemento y desaroyo, e tempo pa San Nicolas ta “awo”. E proyecto “Cultural Heritage Capital of Aruba” a cuminsa cana su caminda cu diferente intervencion di parti di gobierno. Recientemente Minister Mike de Meza y Minister Otmar Oduber tabatin un reunion cu Aruba Investment Bank pa cu e proyecto unda a discuti diferente faceta di e procesonan cu ta tumando luga of mester tuma luga. Minister De Meza a splica cu e accento ta riba tres elemento, esta turismo, cultura y naturalesa y con pa haci uzo optimal di e ingredientenan aki. San Nicolas ta un ciu-

dad cu un mix di culturanan Caribense vibrando, cu partinan sumamente bunita di naturalesa cu ta haci e area uno cu un potencial grandi pa desaroya su mes como un parti importante di turismo, e

dustria pisa cu e refinaria, na mesun momento a trece limitacionnan cu ne pa diversificacion di e economia di San Nicolas, segun e titular di asuntunan economico. San Nicolas ta wordo mira como



mandatario a remarca.

Loke a trece un desaroyo sin igual pa San Nicolas y Aruba henter for di 1924, esta e in-

un area di refinaria, como si fuera cu esaki ta e unico industria cu por existi aki, tanten cu e tin un potencial grandi pa turismo, uzando e cultura Caribense y naturalesa pa atrae e industria aki, Minister De Meza a agrega.

E reunion entre AIB y e mandatarionan tabata uno hopi importante, como cu ta trata di e finalisacion di e rapport cu ta defini e proceso y proyectonan cu tin di tuma luga na San Nicolas, cu accento riba e puntonan pa desaroya y diversifica e economia. Minister De Meza a bisa cu ademas di e centro di ciudad di San Nicolas cu tin e urgencia mas grandi, poco



poco tambe lo ta dunando atencion y lo extende e trabounan di renobacion den e areanan rond di e centro y mas leu, bayendo te den e barionan residencia.

Gobierno ta percura pa asina garantisa cu tin e infraestructura presente cu por carga desaroyonan nobo na San Nicolas, Minister De Meza a bisa.

Minister De Meza a bisa cu den cuadro di preparacionnan pa un desaroyo hopi positivo a tuma pasonan y decisionnan pa cu entre otro infraestructura for di cuminsamento di Gabinete Mike Eman I y ta siguiendo awo cu Gabinete Mike Eman II. A inverti caba den areanan y proyectonan manera Bernardstraat, Ota-heitstraat, Juwana Morto, Joe Laveist Sport Park y a bay te den Mabon, a crea Lago Heights Hill Park y Carnaval Village y ademas, ta cuminsando cu e Carnaval Museo. San Nicolas di berdad ta hayando atencion cu hopi aña no a wak den e distrito aki y ta evaluando diferente inversionnan cu mester tuma luga ainda di parti di gobierno pa duna realce na e plannan pa realisa e ciudad como e capital di herencia cultural, Minister De Meza a laga sa.

E mandatario a menciona tambe Green Corridor como un proyecto cu ta un parti di e desaroyonan total, cual como conexion principal entre San Nicolas y vecindario cu e parti di nos isla unda tin mas actividad turistico lo habri asina hopi mas oportunidadnan pa desaroyonan grandi tambe. Entre otro el a menciona e proyecto di hotel pa Sero Colorado.

Pa loke ta trata e refinaria, gobierno ainda ta ocupa ta purba haya un operador cu experiencia, e poder financiero pa inverti. Lastimamente tur esfuerzo te awo no a duna resultado positivo. Paso pa paso Valero ta insisti di bay over pa e siguiente fase di nan responsabilidad, cual ta “repurpose” e area di e refinaria. Minister Mike de Meza a bisa cu lo reuni atrobe cu Valero pa pasa over di detayenan pa mira kico lo por haci, pero gobierno tambe ta trahando riba diferente idea pa cu con pa duna e terenonan un destinacion diferente (repurpose), el a agrega. Minister De Meza a conclui bisando cu e maneho ta pues “tweesporig” unda ta habri pa un operador nobo, pero cu si esaki no tuma luga y Valero ta sigui cu actividadnan di transshipment, ta prepara tambe pa desaroya e tereno grandi cu lo keda disponibel. □

